

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Dissertatio Philologica De Sepultura Josephi Patriarchae

**Carpzov, Johann Benedict
Ibbeken, Rudolph**

Lipsiae, 1697

§. XXIX

urn:nbn:de:bsz:31-10271

אלה מסעי בני ישראל אשר ילכו מחורל אל חורל
להשתטח על קברי הצדיקים ע"ה בכבי יבאו ובתחנונים
להתפלל ולבקש רחמי עליהם ועל אחיהם שבגולה הש'
לחיים ושלום יקבלו תפלתנו נאולתנו אמן כן יהי רצון:
Hoc sunt itinera filiorum Israel, qua fecerunt proficiscentes de virtute in virtutem, ut proficerent se ad sepulchra justorum, super quibus pax. Accedunt cum lacrymis, & deprecationibus, ut petant & exorent misericordiam, pro se & fratribus suis, qui in exilio morantur. Deus excelsus suscipiat preces nostras, & maturet liberationem nostram, Amen! Ita sit voluntas Dei.

Sanctissimis igitur Josephi reliquiis ab ipsis Israelitis monumentum utique post funerationem erectum, quod tamen successu temporis magis cultum exornatumque, ac denuo, si forte bellorum injuriâ per cultum prostratumque aliquandiu jacuit, innovatum est.

§. XXIX. Etiâ vero inscriptionis cujusdam sepulchralis, (quibus hodie omnia Judæorum monumenta superbiunt,) nullibi vestigium aliquod comparet, non defuerunt tamen, qui ingenii vel exercendi vel ostentandi gratiâ conscriberent, inque sua literarum monumenta inferrent. Horum tres novimus. Primus est Jacobus Saliannus, Societatis Jesu Presbyter, ex annalibus Ecclesiasticis Veteris Testamenti, quos edidit, celebris. Is cum historiam Josephi operose texuisset, tandem pio ac debito funeris officio finem impositurus, *Tom. I. Annal. ad A. M. 2399. fol. 373.* hoc epitaphium loculo ejus affixit:

HABET HIC LOCULUS, VIATOR, THESAURUM
MAXIMUM, NEC ODOR QVEM SENTIS EX ARO-
MATIBUS EST, NE FORTE NESCIAS: SED EX
VIRTUTIBUS EXIMIIS, QUIBUS EFFLORESCIT,
QVEQVE CONCERTANT INTER SE, IN HARMO-
NIAM ODORUM SINGULAREM. FRAGRAT HIC
ADMIRABILIS CASTITAS, CUM AMABILI ÆTA-
TIS FLORE, AC VULTUS, TOTIUSQUE CORPO-
RIS DIGNITATE. HIC LATET QVI EXIMIIS A-
NIMI, CORPORISQVE DOTIBUS, MELIUS QVAM
NARDO, MYRRHA, CASIA, OPOBALSAMO CON-
DITUS EST. QVI ANIMI MODERATIONEM,

IMO

IMO DEMISSIONEM, IN IP SO PENE VERTICE RE-
 RUM HUMANARUM TENUIT. QVI DIDICIT,
 DOCUITQUE INJURIAS NON EQVARE, SED
 OBRUERE BENEFICIIS, IRASCI ET NON PEC-
 CARE: AFFLICTIONEM CONSOLATIONE TEM-
 PERARE. QVI POTUIT INTER SACRILEGOS
 IMPIORUM RITUS, ET FORTUNE BLANDIENTIS
 CONSTANTEM FLATUM, VERAM ET INTEGRAM
 RETINERE PIETATEM ADVERSUS DEUM. HIC,
 UT VERBO EXPEDIAM, JOSEPHUS EST PATRI-
 ARCHA. ILLÆ MAGNI JACOBI DELICIÆ, IL-
 LUD INFERIORUM PATRIARCHARUM DECUS,
 ILLUD COLUMN ET FIRMAMENTUM POPULI
 DEI, ILLE DUARUM MAXIMARUM TRIBUUM
 PARENS, ILLE NAZARÆUS INTER FRATRES
 SUOS, ILLE CLARISSIMUS ÆGYPTI PROREX,
 ILLE CONSULTUS, ET INTERPRES SECRETORUM
 DEI, ILLE DENIQUE QVI VERE AUDIIT SAL-
 VATOR MUNDI. ANNOS C. ET X. VIVENDO
 EXPLEVIT. XVII. QVIPPE DOMI CUM PATRE
 FRATRIBUSQUE VERSATUS, MELLITAM PATRIS
 BENEVOLENTIAM, ET O DIA FRATRUM INVI-
 DIAMQUE DEGUSTAVIT. XIII. SERVITUTEM
 ET CARCERIS ÆRUMNAS EXPERTUS EST. DI-
 VINA DENIQUE PROVIDENTIA IPSUM PENE RE-
 QVAVIT. IN ÆGYPTO MORTUUS HOCCE
 LOCULO CONDITUS ANNO MUNDI cl̄o cl̄o CCC.
 XCIX. POST CXLV. IN CHANANITIDEM TRANS-
 LATUS, DENIQUE POST cl̄o. D. XLIII. ANNOS
 CUM CHRISTO UT PIE CREDITUR RESUR-
 GENS, CUM IP SO GEMINA ORNATUS STOLA,
 BREVEM HUIUS ÆVI GLORIAM AETERNA COM-
 MUTAVIT. LIBENS GRATULANSQUE POSUIT.

J. S. S. I.